

RIMBA GENTING
Chestnut-capped
Laughingthrush

FAMILI: Timaliidae
NAMA SAINTIFIK: *Garrulax mitratus*



CIRI-CIRI

Individu dalam kumpulan ini mempunyai paruh dan kaki yang kuat dan ekor yang panjang. Biasanya, spesies ini ditemui secara berpasangan atau kumpulan kecil. Individu dewasa mempunyai bulu berwarna kelabu dengan bahagian berwarna coklat pada atas kepala dan bawah ekor. Pada sekeliling mata, terdapat gelang yang berwarna putih. Individu juvenil pula mempunyai warna yang lebih coklat serta pudar dan terdapat jalur-jalur kecil berwarna putih pada dahi. Panjang keseluruhan bagi individu dewasa adalah di antara 21.5-24.0 sm.

MAKANAN

Dietnya terdiri daripada kumbang, lalat dan serangga lain, siput, lintah, buah-buahan, madu pada bunga dan biji-bijian yang diperolehi di celah-celah daun di atas tanah.

HABITAT

Habitat yang sesuai bagi spesies ini ialah di hutan dipterokarp dan pinggir hutan melebihi 900 m dari aras laut.

BUNYI

Spesies ini mengeluarkan bunyi *wi wu-wi-wu-wi* dan *wi wu-wi*. Spesies ini juga mengeluarkan bunyi *wi-wu-wiu-wu-wi* dan *wiu-wu-wui-wi*.

PEMBIAKAN

Musim pembiakan bagi spesies ini adalah di antara bulan Februari hingga Mei dan Oktober hingga November. Individu betina boleh menghasilkan 2 biji telur berwarna biru gelap dalam sarangnya berbentuk cawan yang cetek, dibina di atas pokok atau vegetasi, 3-9 m dari paras tanah.

STATUS

Akta 76/72, dipelihara sepenuhnya.